

蘄州志卷之五

知蘄州事虞山錢 鋈纂輯

學校志

廟學

田唐以來郡縣皆有學我

朝敬修典禮釐定樂章隆重極矣所以育養人材而立教化之本者胥由乎此故其所敘列較他志綦詳云

大成殿

治在州左

墀下爲兩廡前爲大成門東名宦祠西鄉賢祠前爲內泮又前爲櫺星門又前爲鬢牆東道冠古

蘄州志

卷之五

廟學

一

今門西德配天地門墻外東禮門西義路皆有門又前爲外泮殿後爲明倫堂後

崇聖祠墀下爲兩廡東爲麗澤堂學正署西爲樂育堂訓導署門外爲射圃

祭典

歲以春秋二仲上丁日致祭學官分派正獻分獻官生員執事者並樂舞姓名送州列榜前一日省牲祭之日五鼓齊集知州正獻暨四配學正訓導分獻東哲州判分獻西哲吏目分獻兩廡武職官陪祭考鐘

伐鼓各就位執事者各執其事闢戶獻毛血樂舞者
東西魚貫而進迎神奏咸和之曲歌咸和之章正獻
官盥洗畢入殿初獻奏寧和歌寧和司尊者舉冪酌
酒獻帛爵讀祝亞獻奏安和歌安和終獻奏景和歌
景和禮皆如初獻飲福受胙奏宣和歌宣和送神奏
祥和歌祥和瘞毛血闔戶徹饌焚祝帛禮畢

崇聖祠則學正訓導先期耑獻祭禮視十哲

祭品

幣 牛 羊 豕 鹿 兔 帛 大羹 和羹

蕪州志

卷之五

廟學

二

黍 稷 稻 粱 形鹽 藁魚 棗 栗 榛
菱 芡 鹿脯 黑餅 白餅 韭菹 醢醢 菁
菹 鹿醢 芹菹 兔醢 笋菹 魚醢

祭器

簋百十五 篋百十五 洗二 玷二十八 勺二
十八 籩二百四十八 豆二百四十八 登六
俎百三十三 筐二十 犧尊六 象尊六 大尊
二 山尊二 壺尊六 著尊二 壘二 爵百十
八 籩巾二百四十八 龍冪一 尊冪二十八

雲雷尊一 劔一 鼎一

陳設

先師幣一 爵三 登一 劔一 簋一 簋二 籩八
豆八 牛一 羊一 豕一

四配幣一 爵三 登一 劔一 簋一 簋一 籩一 籩
六 豆六 羊一 豕一 每位一壇

十哲幣一 爵一 劔一 簋一 簋一 籩四 豆
二 羊一 豕一 每位一壇

兩廡幣一 爵四 簋一 簋一 籩四 豆四 羊

蕪州志

卷之五

廟學

三

一 豕一幣羊豕每廡一餘則每廡四壇

崇聖視

先師減太羹太牢

四配視

十哲減豕首

從祀視

兩廡減豕肉二祭共支餉銀肆拾柒兩又香燭銀壹兩
伍分

樂器

鼉鼓 大鼓 大鐘 麾 節 罇鐘 編鐘 登
歌鐘 特磬 編磬 登歌磬 琴 瑟 塤 箎
鳳簫 洞簫 龍笛 笛 雙管 笙 楹鼓 懸
鼓 應鼓 鼗鼓 搏拊 柷 敔 篳 相鼓
木鐸 籥笛 已上樂器俱乾隆三年學正朱銓訓導
甘昌祚同首士黃載華王鎮黃載安顧

湛露王鑾張焜
李時可捐造

樂歌

工歌八人

咸平 大哉宣聖道德尊崇維持王化斯民是宗典祀有常精

蘄州志

卷之五

廟學

四

純併隆神其來格於昭聖容

寧平 自生民來誰底其盛惟師神明度越前聖粲帛俱成禮

容斯稱黍稷非歆惟神之聽

安平 大哉聖師實天生德作樂以崇時祀無斃清酤惟馨嘉

牲孔碩薦羞神明庶幾昭格

景平 百王宗師生民物軌瞻之洋洋神其寧止酌彼金罍惟

清且旨登獻惟三於嘻成禮

宣平 犧象在前豆籩在列以享以薦既芬既潔禮成樂備人

和神悅祭則受福率遵無越

平祥有嚴學宮四方來崇恪恭祀事威儀雝雝歆茲惟馨神馭還復明禋斯畢咸膺百福

樂舞

六十四人

鼓聲既嚴旌節前導魚貫而進列行於陛上左右相向聽節生唱奏某舞則散而爲揖聽唱舞止則聚而成列凡歌一闋則舞一成奠帛三獻共四成始終共六變起於中而散於中初變在綴之中東西立象尼山毓聖五老降祥再變而爲佾數稍前進象筮仕於

蘄州志

卷之五

廟學

五

魯而魯治三變而東西分象歷聘列國而四方化四變稍退後象刪述六經告備於天五變而左右向象講論授受傳道諸賢六變而復歸於綴中東西立象廟堂尊享弟子分配

興修

州廟學未詳立何時顧氏云北齊令郡學立孔顏廟此郡有廟學之始開元三十七年後州縣莫不有學

學皆有廟

詳儒學修蘄州廟序

宋乾道前學與廟相距十里建

安李宗思爲教授度廟旁地爲學

詳朱文公記

嘉定十四

年辛巳金人犯境學燬景安四年■亥元兵入境安撫使王益遷州治於此建學此今廟學始元末復燬明洪武二年知府左安善仍舊北建立府學九年改爲州學正統九年知州王坦修天順二年知州趙應隆修成化八年知州莊轍修二十年知州周廣榮買學旁地宏治五年知州楊淮復買學旁地燬二郎廟建

大成殿左

崇聖祠名宦祠右鄉賢祠萬歷甲戌司寇馮天馭修崇禎

蕪州志

卷之五

廟學

六

末又燬

國朝順治戊子副使范鳴珂知州柳愈學正熊仲龍紳士晏昇顧咸泰復建明倫堂康熙甲寅州人浙江巡撫李本晟捐建康熙壬辰知州劉國輔學正劉清史訓導陳作楫捐修

崇聖祠雍正己酉州學生馮煒修會雍正癸丑

詔郡縣修學宮雍正甲寅知州王松齡學正朱銓訓導甘昌祚與六鄉紳士捐修廂坊則王鎮黃載安王鑾張棻李時可大同則胡萬年湯時弼青山則陳常陳欲

鰲崇居則王棫陳法璧胡宣典安平則陳于座汪效
侗伊琦永福則張申王德滋熊有翥董醇分任其事
大成殿則大同而大成門兩廡屬焉內泮櫺星門仍其舊
黌墻德配道冠二門則青山而義路禮門外泮內屏
屬焉明倫堂則崇居崇聖祠則永福麗澤堂學正署
則安平內除首士衆姓捐銀外童一元捐房三重價
值二百四十兩樂育堂射圃訓導署則廂坊頭門則
陳之域陳于堅陳應昌陳廩年捐修詳具各碑記

部頒書籍

蘄州志

卷之五

廟學

七

御纂周易

詩經

書經

春秋

朱子全書

性理

明史通鑑各一部

雍正年內頒

上諭十一部

乾隆年內頒

上諭六部

乾隆十年內頒

上諭一部

乾隆十二年內頒

上諭二部

聖諭廣訓 大清會典 學政全書 明史各一部

書院

廟學學之本也諸生朝夕肄業之處則有書院近州縣皆以次修舉蘄書院在麟山舊矣其現經詳定經費事宜例得備書以貽來者

一 修建

舊麟山書院在麟山麓卽荆藩舊址後爲營都司借居乾隆丁卯年知州蔣尚德詳報各憲移營署于

蘄州志

卷之五

書院

八

江防道舊址仍麟山地建書院延師課士陞州李泌繼之乾隆癸酉年知州錢鋈詳定欸目詳載書

院碑記

一 基舍

前爲門進爲會課所再進爲講堂左山長住舍外四賢祠右貯穀倉東西號舍現計一十五間

一 田畝

明防憲吳公國仕原置永福鄉靈山下彭思橋芙蓉寺三庄田係州民董之良出業共計種四石二斗

五升載制庠穀九十四石三斗 又安平鄉童家
畝地名宋家壠蕭家灣劉家塘三庄田係州民童
承訓出業劉家灣梅家河二庄田係州民李化出
業其計種三石四斗七升載制庠穀六十二石一
斗

明知州錢兆元增置安平鄉地名菩堤埧田係生員
張邦基出業計種一石原載大庠穀一十五石今
止制庠一十一石七斗五升

以上舊爲文昌閣祀田收支俱詳舊志今詳定附

書院管理共制庠穀一百六十八石一斗五升

監生何樞同弟開垣康熙五十五年捐田坐落崇居
鄉地名石鼓河計種九石八斗五升載鄉庠穀一
百七十五石六斗三升扣制庠穀一百二十四石
三斗六升原備□土□場之費并詳附書院一同
管理

監生陳鵬仝弟鸞乾隆十一年捐田坐落大同鄉□
家塋地名王家壠埧內二坵佃屋後二坵種六斗
又地名新塘塋九坵種七斗地名庀家壠堰壠二

坵種八斗共二石一斗載制庠穀三十二石六斗
入書院

東關外白馬渡塘田一石五斗每年採納穀課埧外
繒課

北關外牛馬均官山脚田一十三坵山地大小二十
四塊載制庠穀九石二斗地課銀一兩原係康熙
間署州劉承啓並貢生陳士眉捐置後因開墾互
爭乾隆十八年陞州李泌斷歸書院

大同鄉慈雲菴前詹宁弼方鵬僧永松互爭地名國

蘄州志

卷之五

書院

十

邊河田一石二斗竹子塘响龍墻田六斗獵塘墻

田二斗載鄉庠穀四十石乾隆十八年知州錢鋆
詳明用公捐銀兩買入書院

青山鄉胡濟修入官田地土名皂角灣見塘灣馬地
畝共計種三石二斗共九十六坵外祭田三升七
合共載課制庠穀七十石地課銀一兩泉水溝金
星面山課銀五錢乾隆十八年知州錢鋆詳明用
公捐銀兩買入書院

安平鄉張姓互爭地名下河廟鷓鷹嘴基屋花地大

小一十四塊每年納課穀一石五斗地課銀一兩
六錢乾隆十八年知州錢鋈斷歸書院

大同鄉張從資從員先海履牧乾隆十八年捐田八
斗地名皇居山載鄉庠穀一十五石入書院

大同鄉監生田僎田用中乾隆二十一年捐田坐落

青山鄉地名黃城河石橋坂計畝六斗載鄉庠課
十石入書院

青山鄉石橋坂與田僎捐田相連計畝七斗載鄉庠
課十石乾隆二十一年知州錢鋈用公捐銀兩買

蘄州志

卷之五

書院

十一

入書院

李文甫施田租五石在永福西鄉破家山原施田在
芙蓉寺康熙十一年易置

一管理

各處公業每年輪請紳士二人司會稽覈永杜吏胥
侵漁秋成之時其田課裝載運送書院內公倉交
納船脚照例給值悉載通詳

佃戶每年照數完租如有負逋究追另招

凡書院新舊收支穀石并生息銀兩每年造報

一支給

文昌閣香燈穀一十二石

春秋祀文昌各八石

祀江神八石 僧薪米一十六石 渡船六石

防憲舊例極貧生員十名每名給二石 次貧二十名每名給一石

議給廩增附贊禮生員一十六石 禮房紙筆三石

書院僧薪米一十二石 門役六石

書院肄業生童給與膏火亦分極貧次貧極貧生童

蕪州志

卷之五

書院

十二

每名一月給穀一石次貧生童每名一月給穀五斗

書院公課生童各前三名准給花紅每名折銀二錢

鄉試之年照何氏舊例酌給盤費必查明委屬寒生

有科舉者每名在州領銀二兩學正督同直年首

士給發其遺才已錄者二兩未錄者一兩俱在省

給發如有餘資亦作書院膏火

一條約

書院公課訂于每月十二日□山長課期訂于每月

初二日二十二日凡課皆扃門列坐彌縫編號與
場屋規制畧同

月課生監分超特等童生分優次取生童各前三名
准給花紅該禮房造存底冊凡考前五名者各繕
原卷彙送採梓

講堂設立木榜凡書院內中式暨恩拔科歲入學者
題名以昭勸勉

貯櫃書籍領閱者卽于櫃上書某人領去幾本以便
查取

蘄州志

卷之五

書院

十三

書院生童有極貧次貧照支給項下給穀以資膏火
准給膏火者該禮房造具生童清冊直年首士逐月
于十六日發給

刊立門簿每頁分十箇月每月分三十格每生童一
頁某月某日入院逐日在書院者日格內填中字
出者填空字如一月空至六日以外者卽計日扣
除膏火以儆游惰

一書目

御纂周易 詩經 書經 春秋 性理 全唐詩各一

部

欽定四書文 湖廣通志 康熙字典 綱鑑大全

朱子異同條辨各一部生員陳于座捐備開造清冊以次交遞

鳳麓書院在南關內鳳凰山麓明正德間轉運使陳大中建久廢

國朝乾隆丁卯衛守嚴秉則重建

陽明書院在北關外便民倉左明馮天馭建顧問修碑尚存

蕪州志

卷之五

書院

十四

崇正書院在北關外顧氏松園後明顧闕建今廢

社學舊有三明成化間知州王宜建一在府館西南後改爲陰陽學一在丁家坡西一在酈家坡嘉靖間顧闕倡修一里一學鄉城共三十社今廢址失攷